

سنه لکی در سعادت ایچون مجیده
یکرمی فروش حسابیله التمش
غروشد

طشره ایچون بوسته اجرتی اوله رق
اون بش غروش ضم اولتور

نسخه سی ۴۰ پاره در

تذکره محاکمات

آبونه اولقی ایستینلر دائره عدلیه
اداره مخصوصه سنه مراجعت
ایتملیدر

اعلانانک بهرندن بر مجیده اخذ
ایدیلور

نسخه سی ۴۰ پاره در

هفته دهه ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه متعلقدر

توضیحات

در سعادت استیناف محکمه سی اعضا سندن عزتو
ویچن افندی به ترفیعاً رتبه ثانیه صنف ثانیه
تکفور طغانی سنجانی بدایت محکمه سی مدعی -
عمومی معاونی قوتلو حمزه افندی ایله سرفیچه
سنجانی بدایت محکمه سی مدعی عمومی معاونی
قوتلو عارف افندی به رتبه رابعه توجیه بیورلمشدر .

تبلیغات

اچقه اوغلی متوفی حاجی علی افندی سترکه -
سندن بر باب خانه ایله باغ و سارویه متعلق اقامه اولنان
دعوا دن طولانی ام کلثوم خانم علینه استحصال اولنوب
بالاخره قواخانه جلیله دن نقض ایدیلان اعلامک
تدقیقات تمیزیه نتیجه سنه انتظار اولنقمسزین قره سی
سنجانی بدایت محکمه سی اجرا دائره سنجه اولبابده کی
تعلیمات سنیه به مخالف اوله رق تنفیذ حکمی صورتیله جریان
ایدن معامله نک اعاده سی مجلس تدقیقات شرعیه قرارینه
عطفاً لواء مذکور نیابتنه اشعار اولندیفی حالد آلان
جوابنامه ده خانم مومی الیهانک علی الاصول تبلیغ
اولنان اخبارنامه اوزرینه کیفیتک تمیزاً تدقیقی طلب
واستدعاسنده بولندیفی دائره اجرایه بیان ایتماش
اولمسندن ناشی اعلام مذکورک اکتساب قطعیت
ایلدیکی ذهابیله تنفیذ اولنش وشو حاله کوره معاملات
اجرائیه نک اعاده سی مسئولیتی داعی بولنش اولدیغی
سرد و ایراد ایدیلرک ذکر اولنان املاکی مومی الیه
ام کلثوم خانمیدن اشترا ایدن موسی کاظم افندی
طرفندن وریلان عریضه حالد دخی شوجوابه قارشو
بعض اعتراضات مهمه در میان ایدلمش اولدیغندن
بجمله اقتضا ایدن معامله قانونیه نک بالتعین محله
تبلیغی مقام مشیخت جلیله دن وارد اولان تذکره ده
بیان و ازار قلمسی اوزرینه کیفیت انجمن عدلیه جه
لدی التذکر نیابت شرعیه نک سالف الذکر جوابنامه
سند کوسترلدیکی اوزره مومی الیه ام کلثوم خانمک اقامه

ایلدیکی تمیز دعوا سندن طولانی دائره اجرایه معلومات
ویرماش اولدیغی سر رشته سیله حکم اعلامک تنفیذی
جهته کیدلمش اولمسندن تعلیمات سنیه به موافقتی
فرض و تسلیم اولنسه بیله اعلامات شرعیه نک صور
تنفیذیه سنجه ده مابه التطبيق اولان اجرا قانونسک
دردنجی ماده سنک صراحتی وجهله الویده بولسان
بدایت محاکمک حقوق دائره سی ریاستیله بوکامودوع
اولان اجرا مأموریتی وطائفی ایضا ایتمکده بولنان
نوابک ریاستلرنده کی محاکم حقوقیه ایله محکمه شرعیه
ومقر مأموریتلرنده کی تجارت محکمه لرندن بدایت
واستینافا لاحق اولان اعلامات ایله دائره مأموریتلری
داخلنده مقیم اشخاص حق لرند محاکم ساروه دن
اعطا قلنان اعلاماتی اجرا وظیفه سیله مکلف اوله رق
موضوع بحث اولان اعلام شرعی نک ایسه بالیه
قضای محکمه شرعیه سندن ویرلمش و بواعلام
ایله محکوم علیها عد و اعتبار ایدیلان ام کلثوم خانمک
قضاء مزبوره تابع ایلیجه قریه سنده اقامت ایتمکده
اولدیغی کی دیگر طرفه تسلیم اولنان اموال و اشیانک
دخی محل مذکورده بولنش اولسنه نظراً اعلام
مذکور حکمک تنفیذی محلی بدایت محکمه سی اجرا
دائره سنه عاندایکن بو وظیفه نک مرکز لولا اولان قره سی
سنجانی بدایت محکمه سی اجرا مأموری طرفندن
خارج از صلاحیت در عهده ایدیلرک معاملات تنفیذیه به
ابتدار ایدلمش اولسی احکام قانونیه به مغایر اولدیغی
کی اوراق میاننده صورت مصدقه سی موجود اولان
اعلام مذکور ادعای وراثت ایدن اچقه اوغلی علی
افندی نک بیان ایلدیکی خانه و باغ ایله سائر اشیانک
اون درت سهمک کندوسنه تسلیمی یولنده برفقره
حکمی به غیر محتوی اولمسندن ناشی ثبوت وراثته
منحصر بولنان مزبور اعلام شرعی نک دائره اجراجه
تنفیذ اولنسه حق برجعتی اولمدیغی و مذکور املاک
واشیان حقه ده بشقه جه حکم شرعی استحصالی مقتضی
بولندیغی حاله بوراسنک دخی دقت و اعتنایه التماسی
اعاده اجرایی مستلزم اسباب قانونیه دن وداعی مسئولیت
احوالدن بولندیغندن ایجاب ایدنلر حقه ده نظارت

جلیله عدلیه جه تقدیر بیوریه حق معاملات انتباهیه نک
اجراسیله برابر افندی مومی الیه تسلیم اولنان املاک
واشیانک سربعاً بالاسترداد مومی الیه ام کلثوم خانم
اعاده تسلیمی لزوم نک محله تبلیغی و مشیخت جلیله ده
بیان حالی متضمن تذکره جوابیه تسطیری افاده
قلنمشدر .

محلندن وقوع بولان اشعاره بناءً بلدیله صندوغندن
اقراض اولنان مبالغک مطلوبات ممتازه دن اولوب
اولدیغنک استفساری متضمن امور حقوقیه مدیریتندن
اعطا قلنان مذکره اوزرینه ولایات بلدیله قانونسک اوتوز
طقوزنجی ماده سیله اجرا قانونسک التمش بدیغی ماده سی
ذیلنده کوسترلدیکی اوزره دوائر بلدیله نک مطلوبات ممتازه
جمله سندن اولان الهجفی دولتجه دوائر مذکوریه به
ترك و تخصیص اولنان رسومات متنوعه و بالاستیدان
شرفتعلق بیوریلان اراده سنیه جناب خلافتناهی
اوزرینه توزیع و تحصیل اولنه حق عادی و فوق العاده
ویرکو و شرفیه و جزای نقدی ایله تسویه طرق
ومعابردن فضله قالان برلر اتمانندن عبارت اولسنه
وعلی الخصوص دوائر مذکوریه رؤسایسک شوکا
بوکا اچقه اقراضه مأذون اولدیغنه دائر سالف الذکر
ولایات بلدیله قانوننده برفقره موجود اولماسنه نظراً
صورت اخذ و صرفی قانون مذکورله معین اولان
بلدیله واردات سندن بلا مأذونیت اقراض ایدیلان
مبالغک حق رجحانی حائر اولمدیغی بدیغی ومع هذا
مدیونک دیگر الهجق لولریله برلکده غرمایه داخل
اولوبده مبالغ مستقرضه نک تماماً استیفا اولنهامسندن
طولانی بلدیله صندوغنه ترتب ایدن ضررک دخی
مغایر قانون اوله رق اچقه صرف ایتمش اولان
مأمورین بلدیله جانبندن تضمینی ایجاب ایده جکی
طبیعی بولنش اولدیغندن اولوجهله محله تبلیغات
جوابیه ایفاسی لدی التذکر انجمن عدلیه دن افاده
قلنمشدر .

عدلیه نظامت ملیدسندنه بالعموم عدلیه مفتشیرله محاکم استینافیه مدعی عمومیلرینه نظیر قلمانه تحریرات عمومیه صورتیدر:

املاک سنیه اداره لریه متعلق معاملات طائد اوراقلک حیدیه حجاز تیموریولی، منفعتیه احداث اولنان اغانه علم و خبرلرندن استثنای و مذکور تیموریولی اغانه سنیه تابع اولان هر نوع موادك اوراق مخصوصه سنیه محرر اولدینی صورتده تمغایولی حقدنه جاری اولان اصول قانونیه موجبجه جزای نقدی اخذی لازم کله چکی کی ایجار واستیجار معاملاتنه مخصوص اولقی اوزره حجاز تیموریولی قومسیون عالیسنك امتیازی تحتده اوله رق ترتیب و تمثیل ایدلش اولان اوراق مخصوصیه محرر اولیمان مقالواته متعلق دعا و بدیده اول صورتله جزای نقدی استحصال و اکا مخصوص ورقه نك قیمتی نسبتده اغانه علم و خبری الصاق اولندقدن صکره دعوانك استماعی و ورقه مخصوصه بولنه مامسندن طولانی انك قیمتی نسبتده مذکور تیمور یولی اغانه علم و خبری یابشد برلش اولان اوراقلک ده محاکمه قبول ایدلسی قومسیون عالینك مضبطه معروضه سی اوزرینه شرفصدور بیوریلان اراده سنیه جناب خلافتدای ایجاب عالیسندن اولدینی مابین هایون جناب ملوكانه باش کتبات جلیله سندن باند کوره خصوصیه تبلیغ قلمش اولغله بروجب امر و فرمان هایون ایفای معامله اولنسی لزومك ایجاب ایدنلره تبلیغی ضمانتده اشوب تحریر انك نسخ کافیه سی لغا تسبیار اولدینی بیانیله شقه ترقیم قلدی.

محاکمات مفتشیرات

محکمه تمیز استدعا دائره سندن تنظیم واعطا قلمنان اعلامدر:

لمی جزیره سی اهالیسندن یورکی قره چقان وزوجه سی فلوره ایله یینلرنده متکون دعوا یه دائر جزیره مذکوره بدایت محکمه سی حقوق دائره سندن اعطا اولنان ۲۳ ایلول سنه ۳۱۶ تاریخلی اعلامك تمیزینی مستدعی محل مذکور سکنه سندن یورکی اوغلی نیقوله نك وردیکی عرفحال و متفرقاتی باش مدعی عمومیلک مأموریت بهیسنك مطالعه نامه سیله برلشد برله ركه محکمه تمیز استدعا دائره سندن لدی. التذقی مدت و شروط قانونیه سنیه موافق واعلام مذکور وظیفه یه متعلق اولغله عرفحال مزبور بالقبول تدقیقات تمیزیه اجراسنه ایتدار قلدی. اعلام مذکورك خلاصه مائی مرقوم نیقوله محکمه مذکوره یه بالراجعه باسند خاقانی متصرف

بالدخاله مطالعه سنك استفسار ایدلامسی منافی قانون ایدوکی بیاندندن عبارت بولنشد.

ایجابی لدی المذاکره محکمه جه اتخاذ اولنان وظیفه قرارینك اعطاسندن مقدم تشکیلات محاکم قانوننك التمش یشنجی و تمش برنجی ماده لری احکامنه توفیقاً مدعی عمومینك حضوریه اولباسده کی مطالعه سنك استفسار واستماع اولنسی مقتضی ایکن بوجهندن بالذهل مدعی عمومی استماع اولنقمیزین وظیفه محکمه حقدنه قرار ویرلسی مادتین مذکورینك احکامنه مغایر اولدینی کی محکمه جه مقدما برلدیکی بیان اولنان وظیفه قرارینك ندن عبارت اولدینك و بوقرارك محاکمه سنده حاضر بولنش اولان طرفینك کیملر ایدوکنك واعلام شکلنده معامله تبلیغیه سی ایفا اوله رق کسب قطعیت ایدوب ایتدینك دخی اعلامده تصریح و بیان اولنامسی مخالف اصول وقانون کوردینکندن اصول محاکمات حقوقیه قانوننك ایکیز اوتوز ایکنجی ماده سی موجبجه اعلام بیزه ک تفصیله صورمحمره واحکام قانونیه دائره سنده ایفای معامله اولنقی اوزره کیفیتك محکمه مذکوره به اعاده سنی و درت یوز اوتوز یدی بحق غروش مصارف تمیزیه نك بالآخره حقسز چقه حق طرفه راجع اولقی اوزره اول امرده مستدعی تمیز نیقوله دن آئینسه ۱۵ ایلول سنه ۳۱۹ تاریخنده متفقاً قرار ویرلدی.

بعض اشخاصك مساحاً اوکارینه چقه درق معامله جبر و شدت اجراسیله نفود و اشیا سی غضب ایدلکی ادا اولنسنندن دولای جنایتله اتهام اولنان جعفر بن عبدالله اوج سنه مدله کورکه قولنسنه دائر یانیه ولایتی استیناف محکمه سی جزا دائره سندن ویریلان یدی یوز اوتوز طقوز نورولی اعلام عبدالوفا نك ضرباً وفاته سببیت وردیکی ادا اولنسنندن دولای جنایتله اتهام اولنان عمارك التی سنه مدله کورکه قولنسنه دائر طرابلس غرب ولایتی استیناف محکمه سی جزا دائره سندن ویریلان ایکیز الی بر نورولی اعلام محکمه تمیز جزا دائره سنیجه تصدیق قلمشدر.

درسعادت جنایت محکمه سندن بالتتظایم اعطا قلمنان اعلامدر:

اوجوز اون سکر سنیه سی نموزی ظرفنده الی مرمرده بنایا کلیسای مکنبنده قاترینه و دیمتری و مارینه یی ضرب ایدرک بولنردن قاترینه نك وفاته سببیت وردیکی ادعاسیله مظنون علیسه اولان ایستفانوسده سرکه سی محله سنده ساکن اولوب محل

مذکورده - و دجلیک ایتدیکنی بیان ایدن یکر می الی یاشنده مانول ولد آنستینك جنایتله اتهامه دائر هیئت اتهامیه دن تنظیم قلمنان مضبطه ایله استیناف مدعی عمومیلک نك ۱۷ شباط سنه ۳۱۸ تاریخلی اتهامیه سی اوراق متفرعه سیله برابر محکمه جنایته تودیع قلمغه له بالمطالعاه تفصیلاتی اولباسده طوتیلان ضبطنامه دن مستبان اوله جنی اوزره اصول محاکمات جزاییه قانوننك باب نایسنك فصل رایعنده محرر معاملات ابتداییه بعد الا یفا اوجوز اون طقوز سنه سی نایسنك یکر می التنجی چهارشنبه کونی متهم مانول توقیفخانه دن کتوردیه ركه وکیل استپان اقدی واستیناف مدعی عمومیه کی معاوندنرندن عزتلوا دهم بك حاضر اولدقاری حاله علماً که اجراسنه بالایتدار متهم ایله وکیلنه لازم کلان اخطارات قانونیه ایفا قلدقدن صکره هیئت اتهامیه مضبطه سی و اتهامیه ضبط کاتی فرید بکه اوقوتدیرلدی.

مذکور مضبطه ده قاترینه و مارینه و دیمتری یی ضرب ایدرک بولنردن قاترینه نك وفاته سببیت وردیکی ادعاسیله مظنون علییه اولان طوبال مانول حقدنه اوراق تحقیقه ده محرر اخبارات و طیب رابوری و مظنون مرقومك عقیب وقعه ده فرار ایدرک مؤخرأ در دست اولنسی کی دلائل و امارات اتهامه کافی کورلش و حرکتی قانون جزانك یوز یتش پننجی ماده سی ذللی مستلزم افعال جنایتیه دن بولنش اولدینندن جنایتله اتهامه قرار ویرلدیکی محرر و اتهامنامه ده دخی مرقومك مضبطه مذکوره مندرجانی وجهله متهم بولندینی مسطر در.

اتهامنامه نك خلاصه سی جانب ریاستدن متهمه تفهیم و توضیح و معاون موی ایله طرفندن دخی دعوانك تشریح اولنسی معقب متهم سولتدیرلده کی الی مرمرده کی بنایا کلیسایه برطاق خسته و طوبال لرك کیدوب ایوا ولدقاری ایشیتدینکندن و کندوسنکده بش سنه دنبرو ابائی سقط بولننندن اینی اولقی ایچون مذکور کلیسایه کیتدیکنی و کلیسایه کیتدکن صکره کندوسی غائب ایدوب نه یایدینی بیلمدیکنی و کندوسی کیسه یی ضرب و جرح ایتدیکنی بیلمدیکنی ولدی الاستیضاح کیسه نك ضرب اولننندن خبری اولدینی کی فرد آفریده ایله منازعه ایتدیکنی و سرخوش اولدینی افاده ایلدی.

۱۶ خیران سنه ۳۱۸ تاریخلی ضابطه عدلیه تقریری ایله راپورلر دخی اوقوتدیرلدی. مذکور تقریرده ارکری قاترینه بنت نیقوله ایاغندن مضطرب بولنان حفیدی اون درت یاشنده خرسوتوی برای زیارت بنایا کلیسایه کونوروب زیارت ایتدکن صکره مکتبه کلدکری صروده طوبال برشخصك

کندوسندن کچوب اهالی به استغفار و عبادت ایدیکز دیه ركه باغروب ایکی اوج صغیر چوجنی توقاتلره ضرب ایتدیکنی و برینیده هوا یه طوغری آتدینی و بالاده اسمی قاترینه نام قادنی دخی بوغازندن طوتوب باشی بره وضع و «ایماتون» دیو فریاد ایدرک یومروق و توقاته دکه ركه طرناقزله باشی بیرتدینی و یاشندن دم جریان ایتدیکنی حاله بی مجال قالدینی اخبار اولغله مزبور نك برای تدای حاجی تیمور محله سنده حاجی نام خرسنایک خانه سنیه نقل ایدلکی اکلایشله رق و کیدلده که یاشندن مضروب اوله رق باقمده اولدینی کوربه ركه افاده سنیه مراجعت اولندقه کندوسی ضرب ایدن طوبال اولا نیقوله نك ایکی صغیر چوجقاری و صکره کندوسی ضرب ایتش ایسه ده بناییه اولمک ایچون کلدیکندن مرقومدن برکونه دعواسی اولدینی و قاترینه نك حفیدی خرسو دخی ایاغندن مضطرب اولدینی جهتله بیوک والده سیله اون اوج کون مقدم درسعادت کله ركه بنایا کلیسایه زیارت کیتدکری و زیارتدن صکره طوبالک اوطوردینی صدالیه قرینه اوطور مقدمه اولان بیوک والده سنك یاشنده بولنان مندی مرقوم طوبال الهرق آتدینی و یومروق و توقاتلره ضرب ایدرک یاشندن طرناقزله جرح واستغفار ایدیکز دیو فریاد ایتدیکنی صروده کندوسی قورقه درق قولوق دکنکری راقوب فرار ایتدیکنی و کلیسا خدمه سندن یانی واستاوری و باش خدمه دخی مرقوم طوبالک قاترینه یی ضرب ایتدیکنی ایشتملرله کیدوب دسپوت اقدی به معلومات ویردکری و دو قورر بابادوبلوسی جلب ایله تدای ایتدکری و مرقوم طوبالک ایستفانوسلی مانول ایدوکنی افاده ایدلکری محرر و قاترینه نك معاینه سی حاوی راپورده یاشنك زرومی اوزنندن عتقنک صاغ طرفه تمتد کیرجه برعدد کدمه ایله جهیه سی صول طرفندن بالبد ملتقای شفته ایسره ختام بولش کیر و عریض ضرب و یا صدمه ایله حصوله گلش دیگر کدمه و شبن مشاهده اولنش و کوزلری اجفاننده ازیما کورلش و علی العموم وجه و رأسنه حرمت طاری اولدینی کرک ججه سنده و کرک وجهنده کیرجه کدمه لری ایله شدتی اوزمای حروی موجود بولنش ایدوکی و مضروب اولان محللرنده غنقرن بدأ و اجفانلری داخل اولدینی حاله صول ناحیه صدغیه سندن سیر ایله مقابلی بولنان صاغ صدغیسنه قدر تمتد اولدینی و بالاده اشعار اولنان آتار نتیجه سی عفونت دم حصوله کله ركه بون اسهال عتقی به دوچار اوله رق اون کون صکره ترک حیات ایلدیکنی و مانولک معاینه سی حاوی راپورده دخی توقیفخانه ده موقوف بولنان ایستفانوسلی طوبال

مانولک اجرا قلمنان معاینات و مشاهداتنه حال حاضر نیجه برخسته لك علاماتی کوربه ماش و فقط اوراق ابتداییه واستنطاقیه سنده محرر حرکات واقعه سابقه سی کندوسنك انشی ضربه خسته بولنش اولدینه دائر تنظیم قلمنان راپور مندرجاندن مستبان اولدینی مسطر در.

قرائت اولنان اوراق مندرجانه قارشو نه دیه چکی متهمدن صورلدقه شفایاب اولقی ایچون بناییه کیتدیکنی و فرار ایچوب والده سی الهرق خانه سنیه کتوردیکنی سولیدی.

(مابعدی کله چک نسخیه)

حسین اقدی ایله رفیقنك انسطاشی ضرب ایدلکری ثابت اوله دیننندن برائتیه

آنیقه یی ضرب ایتدیکنی شهادتله تبین ایدن یکی چارشوده ساکن یوانک برهفته مدله حبسنه

مارینه یی ضرب و جرح ایدن بکزاده زقغنده ساکنه قالیوینك اون کون حبسنه

خیرکار مصطفای جرح ایدن غلطه ده قو ایچنده ساکن عبدالوهابک برآی و مرقومی ضرب ایدن موی ایله مصطفی ایله برادری محمد دخی بر هفته مدتلره حبسلریه

اورته کویده ساکن صوچی مصطفای شهر سلاحله برابر ضرب ایتدیکنی ثابت اولان تزهت اقدینك برآی حبسنه

یکدیگری ضرب ایدلکری تبین ایدن قاسم پاشاده درت قیوده ساکن یچاوده یی ایساقك اون کون ونسبع برهفته مدتلره حبسلریه

حمال نیقولینك ساعتی سرقت ایتدیکنی اصولاً ثابت اولان طومخانه ده بات بازارنده آشچی چراغی یاتینك اوچاه حبسنه و ختام مدت جزایه سنده ضابطه جه کفالتله ربطله

قره غولخانه جامی قیرمق و پروز نام قادینی ضرب ایتمک فطالریه مجاسرتی اصولاً ثابت بولان قفسی زقغنده ایرانی غفارك اون کون حبسنه

ملازم رضا اقدی به اطاله لسان ایدن فری کوبنده ساکنه صدیقه خانك ایکی کون حبسنه

اوزه نی ضرب و جرح ایدن تیمورچی کر قورک اون بش کون حبسنه

قالیکنه محل ناموس سولیان سیم کوبنده ساکن فیلو ایله همشیره سی قوهیدن بر لیرا جزای نقدی اخذینه

قائمه بي ضرب ايدن مجارده مقيم يوركي ولد
ديمتريك برهفته حسنه

قوجويه اطاله لسان ايدن طلومبه جي طودوريدن
برليرا جزاي نقدي آلمسسه

احمدك مصطفىاني ضرب ايلديكي اصولاً ثابت
اولديغندن اون كون حبسنه وبرليرا دخي آلهرق
مضروبه ويرلمسه

محمداليه عليك مضارب ايلديكري تحققي ايتديكندن
برر هفته حبسلرينه

عبداللهك شعبانه مغل ناموس سوز سويلديكي
اصولاً ثابت اولديغندن بش كون حبسنه

محمد افندي بي ضرب ايدن عثماندن برليرا آلهرق
مضروبه اعطاسه

زافي ضرب ايدن آرتا كيدن بر بچق ليرا آلهرق
مرقوم زاقه اعطاسه

احمدك ميخالي ضرب ايتديكي ثابت اولديغندن
برهفته حبسنه

اسماعيل ايله رضانك يكديكري ضرب ايتديكري
ثابت اولديغندن بررهفته حبسلرينه

فريدافنديك ترامواي ارايه جيسي محمدي ضرب
وجرح ايلديكي ثابت اولديغندن كنديسندن بر بچق ليرا
آلهرق محمده اعطاسه

محمدك فاطمه خانمي ضرب ايلديكي ثابت اولديغندن
بر بچق آلتون آلهرق مضروبه ويرلمسه

فاطمه خانمك زوجي احمد اغايي جرح ايلديكي
ثابت اولديغندن ايكي ليرا آلهرق احمد اغايه ويرلمسه
درساعات ، بك اوغلي واسكدار بدايت محكمه لري
جزا دائره لرنبه قرار ويراشدر .

مُجَامَلَاتُ نَدَبِ اللَّهِ

رو بچوز قضاسي بدايت محكمه سي جزا دائره سي رئيس
سابق محمد بدرالدين افنديك مغاير قانون معاملات
واغراض شخصيه مستند احوال وحركاكه جرائي
سلانك ولايتي استيناف محكمه سي مدعي عموميلكندن
كوندريلان اوراق تحقيقيه محتوياتندن آكلاشيله رق
اجراي محاكمه سي عدليه نظارت جليله سندن مأذونيت
اعطا ومذكور مدعي عموميلكه تبليغات مقتضيه
اجرا ايدلشدر .

اِخْلَافَاتُ

درساعات استيناف مدعي عموميلكندن :
سلطان سابع جوارنده جعفر توفيق مدرسه سنده

مقيم طلبه دن حافظ حسن افندي بي بيك اوچيوز
يكرمي سنه سي جزيرانك يدنجي بازارايرتسي كوني
جرح وقل ايتديكي ادعاسيله متهم اولان اوزته بويلي
آچيق آيليني ، يسي بروني ، سيوري چككي ، سياه صاج
وقاش وكوزلي ، اسمر بكنزلي تخميناً يكرمي ايكي
ياشارنده بولنان ومقدما مذكور مدرسه مقيم ايكن
فرار ايدن طلبه دن قره بيغالي شريف افندي ابن
امين دردست ايديله مامش اولديغندن تاريخندن اعتباراً
جانب رياستدن كندوسنه مجدداً اون كون مهل اعطا
قلتمشدر مهل معين ظرفنده كيديكي حاليه قانونه
اطاعت ايتماش نظريه باقيله رق حقوق مدنيه دن
اسقاط قلنه جنبي وعليهنده دعوايه قيام اولنه جنبي
وبوصريه بركونه ادعايه حق اوله ميه جنبي واموانك
جزا آلتنه آلنه جنبي بالجله ضابطه عدليه مأمورلرينك
كندوسني طومغه مجبور بولندقلري كي معاملات
حجزيه حفته دخي مدعي عموميلكه تبليغات مقتضيه
اجرا ايلديكي جهتله اصول محاكات جزايه قانونك
اوچيوز يتمش برنجي واوچيوز يتمش ايكنجي
ماده لرندن استنباط اولنان احكامه توفيقاً اشبو
قرارنامه بالتظيم اعلان اولنور .

ارضروم استيناف مدعي عموميلكندن :

ترجانك طاري قريه سنه تابع عباسلي مزرعه سندن
اه ويردي اوغلي محمد وبردري اسماعيلك كياهنك
احراقندن طولاي مظنون عليه جد ومزرعه لي مؤمن
اوغلي كانونك جنايتله اتهامه قرار ويرلش وفراده
بولنديني دخي اوراق تحقيقيه مألندن آكلاشلمش
اولمغله مرقومك هرزده كوريلور ايسه دردستيله
ارضروم استيناف محكمه سي جزا دائره سنه تسليمه
بالجله ضابطه عدليه مأمورلرينك مجبور ومكلف
اولدقلري معلوم اولمق اوزره اشبو اخذ وكرفت مذكوره سي
ارضروم هيئت اتهاميه سندن بالتظيم اعطا قلندي .

بايوردده بر دركرمان ايله محال سازه ني باصهرق
سرقة تصدي ايتسندن دولاي مظنون عليه بولنان
بايوردك سنور قريه لي طوربابا بن حسين نام شخصك
ارضروم استيناف محكمه سي جزا دائره سنده محاكمه سي
اجرا قلتمق اوزره جنايتله اتهامه قرار ويرلش
وكندوسنك بايورد حبسخانه سندن فرار ايتمش
اولديني ده اولبايده كي اوراق مألندن آكلاشلمش
اولديغندن مرقومك هرزده كوريلورسه دردستيله
محكمه مذكوره توقيفخانه سنه نقل وتسليم ايدلمسي
لازم كله چكي بالجله ضابطه عدليه مأمورلرينك معلومي
اولمق اوزره اشبو اخذ وكرفت مذكوره سي ارضروم

هيئت اتهاميه سندن بالتظيم اعطا قلندي .

درساعات تجارت محكمه سي اجرا دائره سنده :

قسطي ولد خرسونك يدي قله ده تيمورخانه
جاده سنده قرق التي وقرق سكر نومرولي دكانلرده
ساكن ايكن اليوم اقامتگاهي مجهول اولان
سودجي اصنافندن ناكي صوتريو عليه نه ايكنجي
محكمه تجارتدن استحصال ايله صورت مصدقه سي
۲۱ تموز سنه ۳۲۰ تاريخنده اعلاناً تبليغ ايدلمش
اولان اعلامده يوز اون ليرانك مع فائض ومصارف
محاكمه تحصيلي محكوم بولنش وحكم اعلامك تنفيذي
بوكره دايين مرقوم طرفندن باعريحال طلب
واستدعا قلتمش اولمغله تاريخ اعلاندن اعتباراً
طقسان بركون ظرفنده مديون مرقومك اثبات
وجود ايله مع فائض ومصارف محاكمه تسويه دين
ايتسي وبوباده قانوناً قبوله شاين برافاده سي واعتراضي
اولديني حاليه بيان ايلسي وعكسي تقديرده حكم اعلام
اجرا ومعامله نظاميه ايشا قلنه جنبي معلومي اولمق
واصول محاكمه حقوقيه قانونك يكرمي التبيجي
واجرا قانونك يكرمي طقوزنجي ماده لري مو-
جبنجه كندوسنه تبليغ ايدلمش عد اولمق اوزره
اشبو اخبارنامه نك بر نسخه سي محكمه تجارت اجرا
دائره سي ديوانخانه سنه تعليق ايلديكي كي غزته لرله دخي
اعلاننه مبادرت قلندي .

اعمرات نظاميه اجرا دائره سنده :

بلبان اغا وقفي متوليسي مصطفى وهي افنديك
حاجي حسن اغا ذمتنده محكوم به آلاجن اولان
مبالغك تأمين استيفاسيچون مرهون وفروختي محكوم
بولنان قوجه مصطفى پاشا محله وجاده سنده واقع
تخميناً قرق سكر آرشون عرصه اوزرينه مبن
فوقده ايكي اوطيه ني وبلبيجي اوجاغني حاوي ايكي
يوزاللي نومرولي اخشاب بر باب بلبيجي دكاني
كدكنك نصفي آلتش بركون ظرفنده اجرا قلنان
مزايده علنيه نتيجه سنده ليراي عثماني يوز غروش
حسابيله اوج بيك غروشده طالبي عهده سنده تقرر
ايدرك رغبات ناسك انقطاعه مبن موقتاً قرارداد سي
كشيدنه قلنديغندن يوزده بش ضم ايله زياده يه طالب
اولانلرك بي آچه لرني مستصحباً تاريخ اعلاندن اعتباراً
اوتوز بركونه قدر درساعات اعلامات نظاميه اجرا
دائره سنه مراجعت ايللري ومدت مذكوره انقضاسندن
صكره ضم قبول اولميه جنبي اعلان اولنور .